

ქ. თბილისი

„22„ მაისი, 2017 წელი

ერთი მხრივ, სსიპ „იუსტიციის სახლი“ (შემდგომში „შემსყიდველი“) წარმოდგენილი აღმასრულებელი დირექტორის მოადგილის (ფინანსების დირექტორი) ავთანდილ კოხრიძის სახით და მეორე მხრივ, შპს „ბეთერ ფლაი“ (შემდგომში „მიმწოდებელი“), წარმოდგენილი დირექტორის დავით ჯაშის სახით, „სახელმწიფო შესყიდვების შესახებ“ საქართველოს კანონის და შპს „ბეთერ ფლაი“-ს სატენდერო წინადადების საფუძველზე, გამარტივებული ელექტრონული ტენდერის (SPA170005948) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ასევე ყველა იმ დოკუმენტებით რომლებზედაც წინამდებარე ხელშეკრულებაში არის მინიშნება.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1 სსიპ „იუსტიციის სახლი“-ს მიერ, საკუთარი შემოსავლების ფარგლებში, ბეჭდვითი მომსახურების (CPV 79810000 - ბეჭდვითი მომსახურებები) შესყიდვა.
- 2.2. შესყიდვის ობიექტის დასახელება, აღწერილობა და რაოდენობა განისაზღვრება დანართი N1-ის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს დღგ-ს ჩათვლით 38798.40 (ოცდათვრამეტი ათას შვიდას ოთხმოცდათვრამეტი ლარი და ორმოცი თეთრი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.
- 3.3. შესყიდვის ობიექტის ერთეულის და საერთო ფასი მოცემულია დანართ N1-ში, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების შესრულების კონტროლი

- 4.1 ხელშეკრულების შესრულების კონტროლს ახორციელებენ სსიპ „იუსტიციის სახლი“-ს მარკეტინგისა და მომსახურების განვითარების სამსახური და ინფრასტრუქტურის განვითარებისა და ლოჯისტიკის სამსახური.
- 4.2 შემსყიდველი ორგანიზაცია უფლებამოსილია აწარმოოს მოწოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე.

5. შესყიდვის ობიექტის მიღება ჩაბარების წესი:

- 5.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.
- 5.2 მიღება-ჩაბარების აქტი მხარეთა შორის გაფორმდება ეტაპობრივად, შესყიდვის ობიექტის მოწოდების შემდეგ, შემსყიდველის მიერ განსაზღვრული ხელშეკრულების შესრულების კონტროლის

განმახორციელებელი პირ(ებ)ის მიერ შედგენილი ინსპექტირების დასკვნის და მიმწოდებლის მიერ წარმოდგენილი სასაქონლო ზედნადების საფუძველზე.

6. ანგარიშსწორების ფორმა, ვადები და პირობები

6.1 ანგარიშსწორება განხორციელდება უნაღდო ანგარიშსწორებით, ეტაპობრივად, ეროვნულ ვალუტაში – ლარში. მხარეთა შორის გაფორმებული მიღება-ჩაბარების აქტის, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის საფუძველზე, დოკუმენტების სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში;

7. შესყიდვის ობიექტის მიწოდების ვადა და ადგილი

7.1. შესყიდვის ობიექტის მოწოდება განხორციელდება ეტაპობრივად, ხელშეკრულების გაფორმებიდან 2017 წლის 25 დეკემბრის ჩათვლით პერიოდში, საჭიროებისამებრ, შემსყიდველის მოთხოვნიდან არაუგვიანეს 7 კალენდარული დღის ვადაში. შემსყიდველი უფლებამოსილია მოთხოვნა განახორციელოს არაუგვიანეს 2017 წლის 15 დეკემბრის ჩათვლით პერიოდში.

7.2 შესყიდვის ობიექტის მოწოდება განხორციელდება მისამართზე: ქ. თბილისი, სანაპიროს ქ.#2 (ქ. თბილისის იუსტიციის სახლი).

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლოა დაეკისროს პირგასამტეხლო, ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

8.2 მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლოა დაეკისროს პირგასამტეხლო, შეუსრულებელი (არაჯეროვნად შესრულებული) ვალდებულების ღირებულების 1%-ის ოდენობით.

8.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების მიზეზით ხელშეკრულების შეწყვეტის შემთხვევაში, შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.

8.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

8.6. მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

9. მხარეთა ვალდებულებანი

9.1. „მიმწოდებელი“ ვალდებულია:

9.1.1. მომსახურების გაწევა უზრუნველყოს ხელშეკრულების პირობების შესაბამისად, ნაბეჭდი პროდუქტი დამზადებული უნდა იყოს მაღალ პოლიგრაფიულ დონეზე (ნაბეჭდი ასოები იკითხებოდეს გარკვევით, კონტურები მკაფიო, ფერები ნათელი, არაბუნდოვანი), ბეჭდვის დროს გამოსაყენებელი ფერები განისაზღვრება დანართი N2-ის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

9.1.2. მომსახურების გაწევამდე უზრუნველყოს შესყიდვის ობიექტის საბოლოო დიზაინისა და ზომების შეთანხმება შემსყიდველთან და დასაბეჭდი მასალის ტესტ-ვარიანტის წარმოდგენა.

9.1.3. შემსყიდველის მოთხოვნის შემთხვევაში, მიმწოდებელმა უნდა უზრუნველყოს შემსყიდველი ორგანიზაციის მიერ გამოყოფილი პირის დასწრება უშუალოდ ბეჭდვის პროცედურის განხორციელებისას.

9.1.4. უზრუნველყოს შემსყიდველის მიერ ჩატარებული შესყიდვის ობიექტის ინსპექტირების შედეგად გამოვლენილი ნაკლის აღმოფხვრა, მათ შორის წუნდებული პროდუქტის შეცვლა ახლით, საკუთარი ხარჯით (ტრანსპორტირების ჩათვლით) ხელშეკრულების მოქმედების განმავლობაში, ასეთი ნაკლის აღმოჩენიდან შემსყიდველთან შეთანხმებულ გონივრულ ვადაში.

9.2. „შემსყიდველი“ ვალდებულია უზრუნველყოს ფაქტობრივად მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.

10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

11.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).

11.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.

11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. დავები და მათი გადაწყვეტის წესი

12.1. ხელშეკრულება დადებულია და განიმარტება საქართველოს კანონმდებლობის შესაბამისად.

12.2. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

12.3. შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერის დღიდან და მოქმედებს 2018 წლის 31 იანვრის ჩათვლით.

14. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, რომელთაგან ერთი ეგზემპლარი გადაეცემა მიმწოდებელს, ხოლო ორი—შემსყიდველს.

15. მხარეთა რეკვიზიტები

„შემსყიდველი“	„მიმწოდებელი“
სსიპ „იუსტიციის სახლი“ მის: ქ. თბილისი, სანაპიროს ქN2 საბანკო რეკვიზიტები: მიმღები ბანკი: სახელმწიფო ხაზინა მიმღების დასახელება: ხაზინის ერთიანი ანგარიში კოდი: TRESGE22 მიმღების ანგარიში/სახაზინო კოდი: 707467520 საიდენტიფიკაციო კოდი: 204580202	შპს „ბეთერ ფლაი“ ს/კ: 205265979 მის: ქ. თბილისი, ჭავჭავაძის #80 ტელ: 2 50 99 66; +995558 545842 ბანკი: სს „თიბისი ბანკი“ ბანკის კოდი TBCBGE22 ანგ.# GE83TB7299236020100004
ავთანდილ კოხრიძე აღმასრულებელი დირექტორის მოადგილე (ფინანსების დირექტორი)	დავით ჯაში დირექტორი

ფასების ცხრილი

დანართი N1

N	მეცოდნეების ობიექტების დასახელება	აღწერილობა	გზამკვლელების კრიტერიუმი	რაოდენობა (არაუმეტეს)	ერთეულის ფასი	საერთო ღირებულება
1	სავიზიტო ბარათი	ფორმატი: 8.5X5.5სმ, 300 გრ, ბრისტოლი ბეჭდვა: 4/4; +ნაწილობრივი ლაქი 1/0	ცალი	50000	0.0354	1770
2	მოსაწვევი ბარათი	ფორმატი: 21სმX17სმ-ზე; მასალა: ქაღალდი 300GSM მუტი ცარი; ბეჭდვა: 5/5 (SMYK) +PANTONE; +მატი ლამინაცია 1/1; +ნაწილობრივი ლაქი 1/1 +დანა/კვეთა/ კეცვა	ცალი	700	1.4868	1040.76
3	ტრიბლუტი	ფორმატი: 300მმX210მმ, 170გრ ცარი, დისკურსული ლაქი 1+1; ბეჭდვა: 4+4; +მეფრეკა/კეცვა; 2 სახეობა	ცალი	140000	0.0472	6608
4	არასტანდარტული ბროშურა	ფორმატი: 400მმX210მმ; 170გრ ცარი დისკურსული ლაქი 1+1; ბეჭდვა: 4+4; +დანარიმანება/კეცვა; 1 სახეობა	ცალი	25000	0.177	4425
5	ბუკლეტი	ფორმატი: 200მმX210მმ; 170გრ ცარი დისკურსული ლაქი 1+1; ბეჭდვა: 4+4; +მეფრეკა/ კეცვა 6 სახეობა	ცალი	210000	0.0472	9912
6	სოფელი	ზომა A4, ბეჭდვა 7 ფერში ფურცელი: კოლორტეკი, გრამაჟი: 300 გრამიანი, ბეჭდვა ციფრული (უბაღლეუმი ხარისხით)	ცალი	2500	0.7434	1858.5
7	კონვერტი მოსაწვევისთვის	ფორმატი: დიპლომატური, ქაღალდი 200 GSM, არაპრიალი ცარი, ბეჭდვა: 4/0 (CMYK), მატეი ლამინაცია 1/0, დანის დამზადება (არსებული ნახაზის მიხედვით) კვეთა, აწეობა სკოჩების გამოყენებით (სკოჩი გვერდებზე და ზედა ფრთაზე) ზომა: 23X19სმ	ცალი	700	1.239	867.3
8	საიმპერ ბროშურა	ფორმატი: 21X22 სმ, ქართულენოვანი, იმედიისურთიერთიანი - გვერდების რაოდენობა: 34 + ყდა, შიგთავსი: 135 GSM ცარი არაპრიალი+დისკურსული ლაქი 1/1. ყდა: 300 GSM ცარი არაპრიალი+დისკურსული ლაქი 1/1 - არაპრიალი ლამინაცია 1/0 + ნაწილობრივი ლაქი 1/0 აკინძვა: სტეპლერი + ითხეუბები ყუა	ცალი	3000	1.7818	5345.4

9	ბანერი	ბანერი: მატე, მაღალი ხარისხის ფერადი ბეჭდვით, ზომა: 300x200მ, 510 გრ, ლუვერებით (თანაბარი გადანაწილება), ჯიბეებით და სიმბოლით	ცალი	2	70.8	141.6
10	მაგიდის კალენდარი	ფორმატი: A5 მასალა: ქაღალდი 300 გრ. GSM, არაპრობალა ცარი; ბეჭდვა: 4/4 + დისპერსიული ლაქი 1/1+გარეკანი სპარკლის ლამინაცია 1/0;-საყრდენი 400 გრ. GSM, ბრისტოლი ბეჭდვის გარეშე, + ზამბარა გრძელი მხრიდან; გვერდების რაოდენობა: 28, ყდის ჩათვლით	ცალი	1500	2.478	3717
11	შტენდერის ბანერი	ბანერის ცვლილება: პოლიპროსტერი (გაუმჯობესებული), საღებავი: მაღალი ხარისხის ფერადი ბეჭდვით, ცოი სოლვენტი, ზომა: 200X80 სმ. ბანერის შეცვლის სამუშაოების გაწევა.	ცალი	8	59	472
12	ბროშურა ოპერატორებისთვის	ფორმატი: 21X27 სმ, კართულენიანი, ინგლისურენოვანი, გვერდების რაოდენობა: 34 + ყდა, შიგთავსი: 135 GSM ცარი არაპრობალა+დისპერსიული ლაქი 1/1, ყდა: 300 GSM ცარი არაპრობალა+დისპერსიული ლაქი 1/1 + არაპრობალა ლამინაცია 1/0 + ჩაწილობრივი ლაქი 1/0 აკონტაინერ: სტეკლური + თიხკუთხედი ყუ	ცალი	1000	2.64084	2640.84
საერთო ღირებულება დღ-ს ჩათვლით:						38798.4

შემკვეთელი:

სსიპ "იუსტიციის სახლი"



მომწოდებელი:

შპს "ბეტერ ფლაი"

დავით ჯაში

დირექტორი

